

nombroj; nombro montranta en tuto da diversaj okazoj la plej oftan okazon. 2 Sumo de pluraj kvantoj dividita per ilia nombro.

mezallianco Z. Edziĝo kun persono de malpli alta klaso; misedziĝo.

* **Mezuri** (tr). Taksi k difini grandecon, kvanton, gradon de io, komparante ĝin kun samspeca granda, kvanto, grado, elektita kiel unuo: ~i drapon Z, kampon Z, altecon de monto, la longon k la larĝon Z, rapidecon de ŝipo; (f) ~i (ĝuste taksi) la konsekvencojn de io. ~ado. Ago ~i. ~o. 1 ~ado. 2 Grando, amplekso, intenso de io: la kampo havas ~on da; la ĉambretoj havis la saman ~on Z; verko skribita en bona Esp. antaŭ 25 jaroj en plena ~o konservas sian bonecon ankaŭ nun Z; en granda ~o (Kp SKALO); labori laŭ la ~o de siaj fortoj; egal~a paŝado, spirado. 3 La kvanto enhavata en iu ~ilo: tri ~oj da hordeo Z. 4 ~ateco: en ĉio oni devas observi la ĝustan ~on Z; memori pri ~o en laboro k plezuro Z; donu al krudulo plezuron, li ne scios ~on Z. ~ilo. Difinita objekto per kiu oni ~as: (f) ~i ĉion per sia ~ilo Z (arbitre, nur laŭ propra plaĉo. Vd VITRO, ULNO); ~i ĉion per la ~ilo de la modo Z. ~ateco Z. Modereco, konvena ~o: li ĉiam gardas la ~atecon. Al~i. Fari ~adon por alĝustigi ion: al~i veston al iu Z. Laŭ~e kiel. Proportcie kiel. Laŭ~a. Karakterizas veston faritan per aparta alĝustigo al iu persono. Sen~a, Super~a. Eksterordinare granda, tro granda.

* **MI**. Pronomo de la unua persono en ununombro: ~a, ~n k ~ en mondo reĝas tri Z.

Miasmo. Malsanigaj haladzoj eligantaj el nevideblaj putrigantaj eroj de organikaj substancoj.

Miaŭl (ntr). Bleki kiel kato.

* **Mielo**. Sukera substanco ellaborata de la abeloj el suko de floroj. ~a. 1 De ~o, el ~o: ~a gusto, ~a kuko. 2 (f) Afekte nesincere dolĉa; ~a voĉo; flati per ~aj vortoj; longo ~a, sed koro kruela Z (Kp GLATA. Vd ALLOGI, VINAGRO).

* **Mieno**. 1 Esprima aspekto de la vizaĝo: gaja, severa, memfida, ruza ~o; grav~a homo; grav~eco Z; havi vinagron en la ~o Z. 2 Ekstera aspekto

de iu aŭ io: sana ~o; havi ~on de fripono; vulpo ~on ŝanĝas, sed plue kokidojn manĝas Z (Vd FARO); ili faras la ~on kvazaŭ ili laboras Z; tie la bordoj de la rivero perdas sian ridantan ~on Z. ~i (ntr). Havi ~on de, aspekti: ~i kiel malsanulo; kokete ~i; la internaciaj vortoj en esp-o ~as k elparoliĝas pli slave k germane ol latinide. Kp FIZIONOMIO, TRAJTOJ, ŜAJNO, SINTENADO. Vd FIERA.

* **Migdalo**. Manĝebla nukso de ~arbo. ~arbo. Arbo el fam. ~acoj (*amygdalus communis*).

* **Migri** (ntr). 1 Translokiĝi vole en alian restadejon: ~anta popolo, birdo B; ~anta bando da haringoj; la printempa ~ado de la brularoj al Alpoj paŝtejoj; la internacia oficejo studas la ~adan problemon. 2 Translokiĝi de loko al loko nehavante fiksan sidejon: ~anta aktoro, komercisto, laboristo, predikanto, kavaliro; (f) ~anto (senhejmuldo) mi estas sur la tero Z (Kp VAGI). 3 Iri de iu loko al alia malproksima: longe ~i tra la mondo; ~i pilgrimante al Romo; (f) rigardi la stelojn ~antajn sur la ĉielo B; la fenika alfabeto ~is en Grekujon k poste en Italujon (Kp VOJAĜI). RIM.: Oni ne uzu migri samsence kiel promeni. En~i. Translokiĝi en fremdan landon. El~i. Forlasi patrujon por translokiĝi en fremdan landon.

mikado Z. Japana imperiestro.

mikozo ☞. Danĝera haŭtmalsano inter homoj k bestoj, kaŭzata de parazitaj fungoj.

Mikrobo. Mikroskopa unuĉela organismo kaŭzanta diversajn fermentadojn k infektaĵajn malsanojn (Kp BACILO, BAKTERIO).

mikrobiologio (Sc). Scienco pri la mikroboj.

mikrofarado <. Mezurunuo de elektra kapacito, egala al la milionona parto de la farado: la ~o estas tre ofte uzata por mezuri la kapacitojn en la radioelektro.

Mikrofono. Instrumento, kiu plilaŭtigas la sonojn.

Mikrometro. Instrumento por mezuri malgrandajn dimensiojn.

Mikroskopo. Instrumento por pligrandigi k vidigi objektojn nevideblajn per nuda okulo. ~a. 1 Farata per ~o: ~a